



# AGNIÐ

Fréttabréf SVH

Mar 2009

2. tbl. 16. árg.

## Meðal efnis:

### Veiðileyfasalan

- Muna að koma og ganga frá leyfunum

### Aðalfundurinn

- Upplýsingar um stjórn og nefndir

### Uppskriftin

- Jú hún er á sínum stað

### Veiðigæði

- Fjöllum áfram um þau mál

### Hugleiðing

- Um hvað snýst þess veiðiskapur

## Takið Eintak



Myndin hér að ofan: Frá formlegri undirritun samstarfssamnings [www.leyfi.is](http://www.leyfi.is) og fyrsta stjórnarfundu.

Frá vinstri: Steindór Pálsson (Stangaveiðifélagi Selfoss), Jón Ólafur Skarphéðinsson (Ármönnum) og Hans Unnþór Ólason (Stangaveiðifélagi Hafnarfjarðar)

**Þá er það veiðleyfasalan  
Upplýsingar á bls: 4**



**INTERSPORT**

Húsgagnahöllinni sími. 585 7239  
Lindum Skógarlind 2 sími. 585 7260

**VEIÐIDEILD**



# Uppskriftin

Steikt bleikja með gúrkusalsa (úr bókinni Af bestu lyst (3) )

## Hráefni:

4 bleikjuflök  
1 tsk kummin  
(cummin), malað  
nýmalaður pipar  
salt  
sítrónusafi  
3 msk olía  
½ gúrka  
4 tómatar  
½ græn paprika  
½ gul paprika  
100 g salatblöð  
2 tsk vínedik  
½ tsk dijonsinnep  
1 tsk hlynsíróp

## Aðferð:

- Kryddaðu bleikjuflökin með kummini, pipari og salti og dreyptu svolitlum sítrónusafa á þau  
- Hitaðu 1 msk af olíunni á stórri pönnu og settu bleikjuflökin á hana með roðhliðina upp. Steiktu þau við meðalhita í 2-3 mínútur. Snúðu þeim svo, hækkaðu hitann svolítið og steiktu þau í 3-5 mínútur á roðhliðinni.  
- Skerðu gúrkuna í teninga. Skerðu tómataana í tvennt, skafðu fræin úr þeim með skeið og skerðu þá svo í litla teninga. Fræhreinsaðu paprikurnar og skerðu þær í teninga. Blandaðu öllu saman í skál ásamt salatblöðunum.  
- Hristu saman 2 msk af olíu, vínediki, dijonsinnep og hlynsíróp, helltu yfir grænmetið og blandaðu vel.  
- Dreifðu salsanu á fat og leggðu bleikjuflökin ofan á.

*Allt hráefnið fæst í Fjarðakaupum*



# FJARÐARKAUP

*Verzlun Veiðimannsins*

# Formaðurinn

Með þessu blaði fylgir úthlutun á veiðileyfum, eins og venjulega hefur verið reynt að koma til móts við óskir allra, þó er ljóst þegar margir sækja um sömu dagana, að erfitt getur verið að gera öllum til hæfis.

Til eru margar aðferðir til að úthluta, sum félög draga úr umsóknum og búa þannig til holl þar sem menn geta átt von á því að veiða með ókunnugum. Önnur félög eru með flókið punktakerfi, a, b, og c umsóknir osfrv. Við hjá SVH höfum í mörg ár notað þá aðferð að þær umsóknir sem fleiri skráðir félagar eru á vega þyngra en þær sem innifela færri, m.v. stangarfjölda sem sótt er um, og reyna

síðan að láta alla fá eitthvað á þeim tíma sem þeir sækja um, með þeim veiðifélögum sem þeir óska, og færa svo til aðra daga. Ég fullyrði að í flestum tilfellum gengur þetta ágætlega upp og menn yfirleitt nokkuð sáttir, en engin aðferð er fullkomlega réttlát, það er einfaldlega ekki hægt. Enn heyri ég orðróm öðruhverju um klíkuskap við úthlutun, enn og aftur segi ég og stend við það, það er enginn öðrum réttþærri þegar að úthlutun kemur, þeir sem vinna fyrir félagið fá umbun (þótt lítil sé) með öðrum hætti en þeim að vera settir í einhvern forgang við úthlutun veiðileyfa!!! Sem betur fer eru þessar sögusagnir hverfandi, enda hefur stjórn unnið mjög markvisst að því, í orði og á borði, að kveða þær niður!

Víkjum nú að einhverju skemmtilegra, nú styttist óðum í veiðitímann, veiðimenn farnir að huga að græjunum, fluguboxinn að verða þéttskipuð eftir hnýtingar vetrarins og vorið í nánd..... er það ekki annars? Þegar þetta er skrifað 13. mars, er reyndar hríðarbylur og heiðar í næsta nágrenni höfuðborgarsvæðisins ófærar. En síðan hvenær hafa veiðimenn látið veður aftra sér frá veiði?? Sjaldan held ég, þó grunar mig að stundum geti veðurspá haft áhrif á sókn í Hlíðarvatni, alloft gerist það að menn nýta ekki þau veiðileyfi sem þeir hafa keypt, hvað sem veldur, en mig grunar að ef það spáir ekki hreinlega blíðu, sé nokkuð af veiðimönnum sem nenni ekki austur, þetta er ágætt að því marki að minni hætta er á ofveiði, (sé hún yfirleitt fyrir hendi), en gallinn er hinsvegar klárlega sá að veiðitölur lækka, sem aftur gerir vatnið að síðri söluvöru, sem er afleitt. Ég vil hvetja alla til að nýta leyfin sín og skrá aflann samviskusamlega, sérstaklega óska ég eftir því að menn reyni meira fyrir sér síðsumars og í september, þessi mánuðir er vannýttir, en þeir sem til þekkja segja engu að síður veiðist ekkert minna þá en fyrr um sumarið.


Það hefur verið sérstaklega ánægjulegt hve vel opin hús hafa verið sótt og ný fræðslu- og skemmtinefnd, (áður húskarlar) sem samanstendur af mönnum og kvenmönnum, hefur staðið sig einkar vel. Framundan eru bæði kynningar og hnýtingar, auk lokahófsins góða kvöldið fyrir sumardaginn fyrsta. Þá fjölmenna félagar að sjálfsgöðu og taka með sér gesti.

Hlíðarvatnshreinsunin verður á sínum stað, síðustu helgina í apríl, með hinni rómuðu kjötsúpu að hætti Siggu, og þá er tilvalið að bleyta færi að lokinni vinnu! Þetta er einstaklega skemmtilegur síður, að veiðimenn hreinsi sjálfir veiðisævðið sitt í upphafi vertíðar, og þekkist ekki víða annarstaðar.

Ég vil minna veiðimenn á söluvefinn okkar leyfi.is þar sem við munum selja lausa daga á svæðunum okkar, auk þess sem fjölbreytt úrval annara veiðisvæða má finna þar. Verum dugleg að láta vini og kunningja vita af þessum möguleika til að kaupa veiðileyfi.

*Góðar stundir, sjáumst*

*Kv. Hansi*



# Aðalfundur SVH 2009



**Frá aðalfundinum:**

**Að ofan til vinstri:** *Sverrir Þrastarson tekur á móti "bröndubikarnum" hjá Ármanni Sigurðssyni. Bröndubikarinn er veittur fyrir stærsta veidda fiskinn í lokaferð unglingsdeildar SVH (uSVH).*

**Að ofan til hægri:** *Árni Ísleifsson hélt mjög fróðlegan fyrirlestur, "Meginstoðir Veidimála"*

**Að neðan til vinstri:** *Vöflur með ís og / eða rjóma, betra gerist það ekki.*

**Að neðan til hægri:** *Alveg þökkalegasta mæting var á aðalfundinum.*



## VEIÐILEYFASALAN

Jæja - það sem allir bíða eftir, veiðileyfasalan. Að vanda verður hún í félagsheimilinu að Flatahrauni 29 á eftirfarandi dögum:

23. mars frá 18:00 til 22:00

24. mars frá 18:00 til 22:00

30. mars frá 20:00 til 22:00

**ATH - ATH - ATH**

Í byrjun apríl fara svo öll óseld og ófrágengin veiðileyfi inn á söluvefinn  
**[www.leyfi.is](http://www.leyfi.is)**

# Aðalfundur SVH 2009

Á aðalfundinum kom fram ósk um að birta upplýsingar um nefndir þær sem kosið væri í. Hér er listinn yfir stjórn og nefndir SVH fyrir starfsárið 2009. Í sumum tilfellum er einungis kosið um formann nefndar, hann / hún kallar þá aðra í SVH til aðstoðar eftir þörfum.

## **Stjórn:**

### **Aðalstjórn skipa:**

Formaður: Hans Unnþór Ólason  
Varaformaður: Sigurður Karlsson  
Gjaldkeri: Vilborg Reynisdóttir  
Ritari: Ævar Ágústsson  
Meðstjórnandi: Árni Reykdal

### **Varastjórn skipa:**

Guðmundur Sveinbjörnsson  
Högni Bergþórsson.  
Hallberg Svavarsson

## **Fræðslu- og skemmtinefnd:**

Elísa Lífdís Óskarsdóttir, María Ingólfssdóttir,  
Rúnar Sigmarsson og Úlfar Sigmarsson

## **Hlíðarvatnsnefnd:**

Vignir B. Árnason, Kristján Knútsson, Vilborg Reynisdóttir,  
Tómas Högni Sigurðsson og Hermann Sigurðsson

## **Djúpavatnsnefnd:**

Þórolfur Kristjánsson og Kolbrún Magnúsdóttir

## **Kleifarvatnsnefnd:**

Ólafur Jónsson

## **Fiskiræktarnefnd:**

Einar Sigurðsson

## **Kastnefnd:**

Svavar Gunnarsson

## **Ritnefnd:**

Ævar Ágústsson

## **Húsnefnd Flatahrauns 29:**

Sigríður Hrólfssdóttir

## **Unglingastarf:**

Þróstur Sverrisson og Heiðar Sverrisson

## **Umsjónarmaður heimasíðu:**

Jón Arnar Jónsson.

## **Skoðunarmenn:**

Guðmundur Sigurjónsson, Stefán Árnason  
og Þorleifur Sigurðsson (til vara)



### **Frá aðalfundinum:**

Formaður Hlíðarvatnsnefndar flytur sitt erindi um síðastliðið ár hjá nefndinni

# Ritstjórinn



## Það skal veiða.

Ég hitti tvo menn tengda veiði og veiðibúnaði, núna fyrir skemmstu og var að spjalla við þá. Að sjálfsgöðu var aðeins rætt um þjóðfélagsmálin, svona eins og gengur. Þeim bar saman um það að þrátt fyrir hina svokölluðu "stöðu í þjóðfélaginu" fari veiðimenn í sínar veiðiferðir á sumri komanda, gera kannski örlitlar áherslubreytingar til að minnka kostnað, fari þá frekar "utan tímabils" heldur en á dýrasta tíma, en fari samt á veiðar.



## Hvar er bjartsýnin?

Annað sem við vorum að ræða um var fréttanflutningur fjölmiðlanna í dag. Nánast allar þær fréttir sem verið er að fjalla um og / eða birtar eru í blöðum eru á neikvæðu nótunum. Er ekkert annað að fréttá en neikvæðir hlutir? Hvar er bjartsýni sú sem einkennt hefur okkar þjóðfélag? Ég held að það sé fyrir bestu að sleppa því að fylgjast með fréttum, lesa einungis það í blöðunum sem snýr ekki að neikvæðum svartsýnisböldmóði og vera bjartsýnn á framhaldið.

## Léttara hjál.

Það eru ábyggilega einhverjir farir að undirbúa sig fyrir fyrstu vorveiðina, sem verður væntanlega einungis eftir örfáa daga þegar blaðið kemur út. Þá er gott að hafa þessar tvær vísur sem mér áskotnuðust um daginn í huga:

*Herra trúr ég treysti þér  
að taki lax svo ægilegur  
að jafnvel sýnist sjálfum mér  
sannleikurinn nægilegur*

*Vel mér, Drottinn, veiði þá  
sem vill ei nokkur trúa.  
(nema í háði)*

*Svo jafnvel mér sé eftir á  
engin þörf á að ljúga.  
(neitt af ráði)*

Þýtt af Helga Hálfðánarsyni

*Kveðja;  
Ævar*



Myndin héð að ofan tengist vísunum, því hver skyldi trúa því að fá slíka veiði á stuttri stund. Bleikjan var um 2 kg og urriðarnir 2,5 kg hvor. Fékkst á Arnarvatnsheiði í gönguför síðasta sumar af veiðifélaga ritstjórans.

## Hugleiðing

Við fengum þessa skemmtilegu hugleiðingu senda um daginn:

*Að veiða fisk á stöng er hin fullkomna blanda af slökun og spennu, í aðra röndina er allt í rólegheitum svo allt í einu tekur fiskur og rífur næstum af þér stöngina, hjólið syngur sitt ljúfasta lag bara fyrir þig. Spennan er í hámarki, fiskurinn berst fyrir lífi sínu þetta er nefnilega lífshættulegur bardagi sérstakslega fyrir fiskinn. Það skiftir ekki öllu máli hvað stöngin þin heitir eða hvað hún kostar, því það ert þú sem veiðir ekki bara stöngin. Mundu að horfa og hlusta þegar þú kemur á veiðistað. Lærið að lesa vatnið. Njótið þess að vera úti í nattúrinni.*

**Kv. Ási**



# Fróðleikur um Veiðimál

Frá málþingi um veiðigæði á Íslandi; eins og menn muna birtum við í síðasta Agni hugleiðingar Bjarna Júlíussonar og nú er komið að úrdrætti úr næstu framsögu

1 .Er stangaveiði náttúruupplifun eða fíkn á uppsprengdu verði? Bjarni Júlíusson fyrrverandi form SVFR frá sjónarhóli veiðimannsins.

2. Mikilvægi veiðihlunninda og verðlagning þeirra. Verðmæti til framtíðar eða tímabundinn fengur? Óðinn Sigþórsson formaður Landsambands veiðifélaga

3. Lagalegt umhverfi veiðimála hér á landi, þáttur í eflingu veiðihlunninda. Árni Ísaksson forstöðumaður Lax-og silungsveiðisviðs Fiskistofu

4. Líffræðilegar forsendur veiðinýtingar og veiðistjórnunar. Liggur framtíðin í fluguveiði til að veiða og sleppa eða hafbeitarveiði knúna af seiðasleppingum. Sigurður Már Einarsson deildarstjóri Veiðimálastofnunar

5. Þekking á vistfræði laxfiska hér á landi og færni við ýtingu þeirra. Hvað höfum við lært og hvað skortir á? Sigurður Guðjónsson forstjóri Veiðimálastofnunar

Við munum birta eina framsögu í hverju Agni vetrarins

Þriðja framsaga; Lagalegt umhverfi veiðimála hér á landi, þáttur í eflingu veiðihlunninda.

Árni Ísaksson forstöðumaður Lax-og silungsveiðisviðs Fiskistofu. (Þeir sem komu á aðalfund SVH hlýddu á þetta ágæta erindi flutt af Árna sjálfum, en þar sem þar var ekki mjög fjölmennt, höldum við okkar striki og birtum það líka í Agninu)

Árni Ísaksson fór yfir meginstoðir ríkjandi fyrirkomulags sem styður sjálfbæra nýtingu laxastofna. Í grófum dráttum skiptis auðlindin í 3 auðlindir; netaveiðihagsmunir en tekjur og nýting hafa dregist stórlega saman vegna verðfalls á laxi með tilkomu eldisfisks og eins hefur verið unnið markvisst gegn netaveiði í straumvatni, sportveiðihagsmunir en þar eru það veiðimenn og stangaveiðifélög sem greiða fyrir aðgang að auðlindinni auk þess sem veiðimaðurinn eyðir talsverðum fjármunum á svæðinu s.s. í verslun og þjónustu og saman skapa þessir tveir þættir þann þriðja sem er laxveiðihagsmunir; veiðifélögin fá tekjur í hérað af sölu veiðileyfa og nota hluta þeirra til að byggja upp fiskistofnana og bæta fiskvegina s.s. með seiðisleppingum og fiskistigum. Hið ríkjandi (lögbundna) félagslega skipulag, sem eru veiðifélögin tryggir samnýtingu auðlindarinnar, arðskiptingu milli félagsmanna og ekki síst sameiginlega ábyrgð og vilja til að viðhalda og efla hana.

Þá hefur bann við laxveiðum í sjó verið ein af meginstoðum laxveiðihagsmuna, en lög þar um voru fyrst sett 1932, nokkrar sjávarlagnir voru undanskildar banninu í fyrstu en hafa smámsaman verið innleystar af veiðifélögum og þær síðustu um 1997. Netaveiðar á silungi í sjó hafa verið leyfðar en eru takmarkaðar á göngutíma laxa. Netaveiðar á laxi í fersku vatni hafa nær eingöngu verið í jökulsám s.s. báðum Hvítánum, Ölfusá og Þjórsá, veiðarnar eru takmarkaðar við hálfu vikuna frá kl 10 á þriðjagsmorgni til kl 22 á föstudagskvöldi, þá er lagnafjöldi festur við þann fjölda sem nýttur var fyrir 1957. Netalögnum hefur fækka stórlega t.d. á vatnavæði Hvítár-Ölfusár úr rúml. 100 lögnum um miðja síðustu öld niður í 20 – 30 hin síðari ár, og víða hafa verið teknar upp stangaveiðar í stað netaveiða. Stangafjöldi á veiðisvæðum er takmarkaðurog upprunalega ákveðinn af veiðimálastjóra og veiðimálanefnd. Ný lög gera hinsvegar ráð fyrir því að veiðifélög leggi fram nýtingaráætlanir sem styðja þann fjölda stanga sem leyfður er á svæðinu. Áætlanirnar skulu vera til 8 ára og staðfestast af Fiskistofu.

# Fróðleikur um veiðimál - framh

Laxveiðiár eru taldar 62 með alls 354 stöngum. Meðalveiði árána 1974 – 2000 hefur verið tæpl. 31.500, laxar, sem gerir meðaltalið á stöng um 89 fiska. Sé lagt mat á verðmæti stangaveiðihlunninda koma m.a. til eftirfarandi þættir. Hreint og tært vatn, ein tegund laxfiska í hverri á, góðar veiðiskýrlur, árnar fjarri þéttbýli með auðveldu aðgengi þaðan, fáir veiðimenn við veiðar á hverjum tíma, frábær veiðihús, engar netaveiðar á laxi í sjó, gott aðgengi að veiðistöðum, yfirleitt lítið af trjáum á árbökkum, þægilegt lofslag og ábyrgðarfull heimastjórn á veiði.

Þá skiptir máli aðkoma stjórnsýslu í veiðimálum að leyfisveitingum vegna framkvæmda í og við ár og vötn (malarnám, virkjanir ogfl.) Eins hefur fiskrækt verið stunduð lengi og mikil þekking áunnist í þeim efnum, um 70 laxastigar hafa verið gerðir og samanlagt opnað um 800 km af nýjum uppeldsvæðum en þetta jafngildir um 50 % aukningu á veiði- og búsvæðum laxins á undanförunum 60 árum. Gönguseiðasleppingar gegn nú auknu hlutverki í auknum afla og nægir að nefna Rangárnar sem dæmi þar um, en þær hófust með hafbeitarstarfsemi í Laxeldisstöðinni í Kollafirði uppúr 1970.

Helstu niðurstöður; Laxveiðilöggjöf og stjórnskipulag veiðimála hér á landi er einstakt í samanburði við nágrannalöndin. T.d. takmörkun á laxveiði í sjó sem og takmörkun veiðiálags sem hefur verið innbyggð í kerfið í áratugi. Lítil mengun, virkjanir fallvatna fyrst og fremst í jökulvötnum og því haft óveruleg áhrif á stangaveiði, og síðast en ekki síst hið félagslega kerfi sem ber ábyrgð á sjálfbærri nýtingu fiskistofna, uppbyggingu veiðisvæða og fiskrækt.

Fjórða framsaga; Líffræðilegar forsendur veiðinýtingar og veiðistjórnunar. Liggur framtíðin í fluguveiði til að veiða og sleppa eða hafbeitarveiði knúna af seiðasleppingum. Sigurður Már Einarsson deildarstjóri Veiðimálastofnunar

Ljóst er að laxastofnum í Atlantshafi hefur hnignað mjög, m.a. vegna mengunar og eru þeir nú einungis um fjórðungur þess sem var. Á Íslandi nálgast fjöldi veiddra fiska 70.000 (ath! nærri tvöföld meðalveiði árána 1974 – 2000) og munar þar mikið um bæði hafbeit og veiða/sleppa. Netaveiði hefur dregist mikið saman samfara aukningu í stangaveiði. Hafbeit og seiðasleppingar hafa verið stundaðar lengi hér á landi, (hafbeitarstöðin í Kollafirði 1974) og með reynslunni hefur orðið til mikil sérþekking á þessu sviði auk þess sem hægt er að nota áður fisklausar (laxlausar) ár til veiða, t.d. Rangár, Skógá, Tungufljót, Norðlingafljót og Breiðdalsá, en í sumum þeirra var áður bleykja s.s. Breiðdalsá. Lætur nærri að um einnig hálfri miljón seiða sé sleppt árlega! Reynslan sýnir að sleppingar eru að skila að jafnaði um 5 – 10% af veiði, hámark 20% og heimtur eru litlar eða um 0,5 – 3,5%, en það ræðst af stærstum hluta af aðstæðum í sjó, en einnig eru gæði seiða orðin meiri. Sjálfbær veiði byggist hins vegar á því að veiða ekki meira en sem nemur því sem áin framleiðir umfram þann stofn sem hún þarf til að viðhalda stofninum. Ofveiði getur hinsvegar leitt til mjög hraðs falls stofnsins sem getur reynst afar erfitt að byggja upp aftur. Uppbygging ár getur verið með ýmsu móti s.s. takmarkaður stangafjöldi, kvóti á veiddum fiskum, stytta veiðitíma, svæðalokun og veiða og sleppa. Framleiðsla seiða er á bilinu 2 – 10 gönguseiði á hverja 100m<sup>2</sup> í ánni og veiddir laxar eru á bilinu 2 – 60 á hektara (10.000m<sup>2</sup>) í ánni. Framtíðarsýnin er að fækka stöngum og sjálfbær veiði byggð á reynslu og þekkingu ásamt lágmarkun mannlegra mistaka við ræktun fiskvega.

Samantekt: Hans Ólason



# Vetrardagskrá SVH 2009

Það er grunsamleg stutt fram að lokahófi, en það sem er framundan er:

19. mar	Hnýtingarkvöld
26. mar	<b>Kynning</b> ; Nánar auglýst síðar
02. apr	Hnýtingarkvöld
16. apr	Hnýtingarkvöld
22. apr	<b>LOKAHÓF, KVÖLDIÐ FYRIR SUMARDAGINN FYRSTA</b>

*Húskonur og -karlar SVH*

## Efnilegasta silungaflugan 2009

Húskonur og -karlar SVH efna til samkeppni um efnilegustu silungafluguna fyrir sumarið 2009.

Öllum félagsmönnum í SVH er heimil þátttaka í samkeppninni.

Kept er í tveimur flokkum: Barna- og unglingsflokkur að og með 16 ára aldri og flokkur fullorðinna.

Vegleg verðlaun verða veitt fyrir efnilegustu silungafluguna ársins 2009 í hvorum flokki fyrir sig.

### **Þáttökureglur:**

Flugan skal vera silungaflugan en útfærsla að öðru leyti frjáls. Dæmt verður fyrir handbragð, frumleika og hversu veiðileg flugan þykir.

Flugunni skal skila í síðasta lagi á opnu húsi þann 2. apríl 2009. Skila skal tveimur eintökum af flugunni ásamt nafni flugunnar og uppskrift. Nafn höfundar ásamt símanúmeri skal fylgja með í lokuðu umslagi merktu nafni flugunnar, dulnefni höfundar og keppnisflokkur.

Flugurnar verða dæmdar af þriggja manna dómnefnd sem Húskonur og -karlar skipa.

Áskilinn er réttur til að birta mynd af verðlaunaflugunum og uppskriftirnar í Agninu og á vef SVH.

Þær flugur sem lenda í þremur efstu sætum í hvorum flokki verða sendar í keppni Landssambands stangveiðifélaga og Ellingsen um „Töfrafluguna 2009“.

*Húskonur og -karlar SVH*



Öll óseld veiðileyfi SVH fara á  
[www.leyfi.is](http://www.leyfi.is) að lokinni úthlutun og  
sölu

Þessi síða er laus fyrir auglýsingar  
Upplýsingar fást hjá [stjorn@svh.is](mailto:stjorn@svh.is)

Hægt er að fá hinn glæsilega sal félagsins leigðan.  
Upplýsingar veitir: Sigríður s: 5653602 eða 8923037

